

**JAMHURI YA MUUNGANO WA TANZANIA**

**BUNGE LA TANZANIA**



**ORODHA YA SHUGHULI ZA LEO**

**MKUTANO WA TATU**

**KIKAO CHA SITA**

**27 APRILI, 2016**



# ORODHA YA SHUGHULI ZA LEO

---

## MKUTANO WA TATU

KIKAO CHA SITA – TAREHE 27 APRILI, 2016

### I. HATI ZA KUWASILISHA MEZANI:

#### **WAZIRI WA NCHI, OFISI YA RAIS (TAMISEMI):**

Hotuba ya Bajeti ya Ofisi ya Rais (TAMISEMI) kwa Mwaka wa Fedha 2016/2017.

#### **WAZIRI WA NCHI, OFISI YA RAIS (UTUMISHI NA UTAWALA BORA):**

Hotuba ya Bajeti ya Ofisi ya Rais (Utumishi na Utawala Bora) kwa Mwaka wa Fedha 2016/2017.

#### **MWENYEKITI WA KAMATI YA UTAWALA NA SERIKALI ZA MITAA:**


Taarifa ya Kamati ya Utawala na Serikali za Mitaa kuhusu utekelezaji wa majukumu ya Ofisi ya Rais (TAMISEMI) kwa Mwaka wa Fedha 2015/2016 pamoja na maoni ya Kamati kuhusu Makadirio ya Mapato na Matumizi ya Ofisi hiyo kwa Mwaka wa Fedha 2016/2017.

## **MWENYEKITI WA KAMATI YA UTAWALA NA SERIKALI ZA MITAA:**

Taarifa ya Kamati ya Utawala na Serikali za Mitaa kuhusu utekelezaji wa majukumu ya Ofisi ya Rais (Utumishi na Utawala Bora) kwa Mwaka wa Fedha 2015/2016 pamoja na maoni ya Kamati kuhusu Makadirio ya Mapato na Matumizi ya Ofisi hiyo kwa Mwaka wa Fedha 2016/2017.

## **MSEMAJI MKUU WA KAMBI YA UPINZANI KUHUSU OFISI YA RAIS (TAMISEMI):**

Taarifa ya Msemaji Mkuu wa Kambi ya Upinzani wa Ofisi ya Rais (TAMISEMI) kuhusu Makadirio ya Mapato na Matumizi ya Fedha za Ofisi hiyo kwa Mwaka wa Fedha 2016/2017.



## **MSEMAJI MKUU WA KAMBI YA UPINZANI KUHUSU OFISI YA RAIS (UTUMISHI NA UTAWALA BORA):**

Taarifa ya Msemaji Mkuu wa Kambi ya Upinzani wa Ofisi ya Rais (Utumishi na Utawala Bora) kuhusu Makadirio ya Mapato na Matumizi ya Fedha za Ofisi hiyo kwa Mwaka wa Fedha 2016/2017.

## II. MASWALI:

### OFISI YA WAZIRI MKUU:

#### 51. MHESHIMIWA ESTHER MICHAEL MMASI (VITI MAALUM):

Atamuuliza Mheshimiwa Waziri Mkuu:- Serikali kupitia Taasisi za Umma zimeweza kufanya tafiti nzuri kujua uhalisia wa suala la ajira kwa vijana waliohitimu vyuo vikuu:-

Je, ni kwa namna gani Serikali inaweza kutumia majibu ya tafiti hizo kupitia “*convocation office*” ndani ya taasisi ya Umma katika kutatua changamoto za ajira katika nchi yetu.

### WIZARA YA NISHATI NA MADINI:

#### 52. MHESHIMIWA SELEMANI JUMANNE ZEDI (BUKENE):

Atamuuliza Mheshimiwa Waziri wa Nishati na Madini:-

Je, Serikali kupitia REA inachukua hatua gani kwa Mkandarasi CHICCO ambaye ameshindwa kukamilisha utekelezaji wa mradi wa kupeleka umeme vijijini awamu ya Pili (REA 2) katika vijiji vya Mwangoye, Mbutu na Mambali.

## **WIZARA YA MALIASILI NA UTALII:**

### **53. MHESHIMIWA HAROON MULLA PIRMOHAMED (MBARALI):**

Atamuuliza Mheshimiwa Waziri wa Maliasili na Utalii:-  
Katika GN. 28 ya Mwaka 2008 inawataka Wananchi wanaoishi katika vijiji 21 vilivyopo katika Jimbo la Mbarali, Wilaya ya Mbarali Mkoani Mbeya wahame ili kupisha Hifadhi ya Taifa ya Ruaha ingawa Wananchi katika vijiji hivyo wameishi kwenye maeneo hayo tangu enzi za mababu zao:-

Je, ni lini Serikali itafuta GN No. 28 ya Mwaka 2008 ili Wananchi katika vijiji hivyo waweze kuishi bila kubughudhiwa pamoja na kuendelea na shughuli zao za kilimo na ufugaji.

### **54. MHESHIMIWA ELIAS JOHN KWANDIKWA (USHETU):**

Atamuuliza Mheshimiwa Waziri wa Maliasili na Utalii:-

- (a) Je, katika kipindi cha Mwaka 2010 – 2015, ni ng'ombe wangapi wametaifishwa na Serikali kwa kuingia katika hifadhi ya Kigosi eneo linalopakana na Jimbo la Ushetu katika Kata za Ulowa, Ubagwe, Ulewe, Nyamkende na Idalia;
- (b) Je, ni utaratibu gani unatumika kuuua ng'ombe wanaoingia kwenye hifadhi; na ni ng'ombe wangapi waliuawa katika kipindi cha Mwaka 2010 – 2015.

## **WIZARA YA UJENZI, UCHUKUZI NA MAWASILIANO:**

### **55. MHESHIMIWA LAMECK OKAMBO AIRO (RORYA):**

Atamuuliza Mheshimiwa Waziri wa Ujenzi, Uchukuzi na Mawasiliano:- Serikali chini ya uongozi wa Rais Mstaafu Mhe. Jakaya Mrisho Kikwete ilitangaza Jimbo la Rorya kuwa Wilaya mpya na sasa ina miaka saba tangu kutangazwa na hitaji kubwa la kwanza ni kutekeleza ahadi ya Rais Mstaafu Mhe. Jakaya M. Kikwete na kurudiwa tena kuahidiwa na Mhe. Rais wa Awamu ya Tano za kujenga kwa lami barabara ya kutoka Mika – Utegi – Shirari – Kirongwe yenye urefu wa Km 58, kwa kuzingatia umuhimu wake kwamba ni kiungo kati ya Tanzania na Kenya kupitia Rorya, itainua pato la Halmashauri kupitia ushuru wa mpakani na Tarafa tatu kati ya nne kupata urahisi kuingia nchi jirani ya Kenya kwa ukaribu zaidi kuliko kutumia barabara ya kwenda Sirari:-

Je, ni lini Serikali itakamilisha ujenzi wa barabara hii ambayo ni muhimu kwa maendeleo ya Wilaya ya Rorya.

### **56. MHESHIMIWA SUZAN LIMBWEKI KIWANGA (MLIMBA):**

Atamuuliza Mheshimiwa Waziri wa Ujenzi, Uchukuzi na Mawasiliano:- Licha ya Jimbo la Mlimba kuwa na uzalishaji wa mazao ya kilimo, linakumbwa na ukosefu mkubwa wa miundombinu ya barabara

zinazopitika na madaraja, jambo linalosababisha Wakulima kushindwa kusafirisha mazao yao kwenda kwenye masoko na hivyo kuendelea kuwa maskini licha ya kuwa na utajiri wa mazao ya kilimo:-

(a) Je, ni lini Serikali itajenga kwa kiwango cha lami barabara ya Ifakara – Mlimba, Mlimba – Madeke na Mlimba – Uchindile;

(b) Je, ni lini Serikali itajenga madaraja ya kudumu katika Mito ya Mtunji, Chiwachiwa, Mngeta na Londo kwa kuwa yaliyopo sasa ni ya miti

**WIZARA YA ARDHI, NYUMBA NA MAENDELEO YA MAKAZI:**

**57. MHESHIMIWA JOSHUA SAMWELI NASSARI (ARUMERU MASHARIKI):**

Atamuuliza Mheshimiwa Waziri wa Ardhi, Nyumba na Maendeleo ya Makazi:- Shamba Na. 112 (ex – *Arusha Coffee Estate*) lililopo Nduruma Wilaya ya Meru lililokuwa likimilikiwa na Tanzania Flowers Ltd. lenye ukubwa wa ekari 721 lilishawahi kufutwa Mwaka 2000 na hati ya utwaaji ardhi (*Deed of Acquisition*) ikasajiliwa 12/6/2001 na aliyekuwa Waziri wa Ardhi wa wakati huo Mheshimiwa Gideon Cheyo lakini hadi leo wawekezaji hao bado wanazidi kuiuza ardhi hiyo ambayo ilifutwa kwa ajili ya kuwagawia Wananchi wenye shida ya ardhi:-

Je, Serikali inatoa kauli gani juu ya jambo hilo hasa ikizingatiwa kuwa Serikali ilishawahi kuwaambia Wananchi wa maeneo hayo kuwa shamba hilo halimilikiwi na wawekezaji tena.

**WAZIRI WA MAMBO YA NDANI YA NCHI:**

**58. MHESHIMIWA MUSA RASHID NTIMIZI (IGALULA):**

Atamuuliza Mheshimiwa Waziri wa Mambo ya Ndani ya Nchi:-

Wananchi wa Kata ya Loya katika Halmashauri ya Tabora (Uyui) wameitikia wito wa Serikali wa ulinzi shirikishi kwa kujenga kituo kikubwa cha Polisi katika Kata yao:-

- (a) Je, ni lini kituo hicho kitafunguliwa hasa ikizingatiwa kuwa Loya ni zaidi ya km 120 kutoka Makao Makuu ya Wilaya Isikizye ambako ndiko kwenye kituo cha Polisi;
- (b) Je, Serikali ina mpango gani wa kuwaongezea bajeti ya mafuta ili kuwarahisishia watendaji kazi maana maeneo ya Jimbo ni makubwa na yote yanahitaji huduma za kipolisi.



## **WIZARA YA KATIBA NA SHERIA:**

### **59. MHESHIMIWA MASOUD ABDALLA SALIM (MTAMBILE):**

Atamuuliza Mheshimiwa Waziri wa Katiba na Sheria:- Moja ya majukumu ya Tume ya Haki za Binadamu na Utawala Bora kwa mujibu wa Ibara ya 130 (c) ya Katiba ya Nchi ni kufanya uchunguzi juu ya mambo yanayohusu uvunjaji wa haki za binadamu na ukiukwaji wa misingi ya Utawala Bora:-

Je, ni kwa kiasi gani Tume imefanikiwa kutekeleza jukumu hilo kwa kipindi cha Mwaka 2010 – 2016.

### **60. MHESHIMIWA FATUMA HASSAN TOUFIQ (VITI MAALUM):**

Atamuuliza Mheshimiwa Waziri wa Katiba na Sheria:- Baadhi ya Sheria nchini ikiwemo Sheria ya Mirathi ya Kimila, Sheria ya Ndoa ya Mwaka 1971 pamoja na sheria ya hali za watu zimekuwa na mapungufu makubwa na hivyo kuhitaji kutazamwa upya ili kufanyiwa marekebisho:-

Je, Serikali ina nia gani ya dhati ya kuwasaidia wanawake na watoto wa kike kwa kuzifanyia marekebisho Sheria hizo kandamizi na za kibaguzi hasa ikizingatiwa kuwa nchi yetu imeridhia mikataba mbalimbali ya kimataifa na ya kikanda juu ya masuala ya kuondoa ukatili na unyanyasaji dhidi ya wanawake na watoto.

## 51. HOJA ZA SERIKALI:

### WAZIRI MKUU

Kwamba, Bunge likubali kupitisha Makadirio ya Mapato na Matumizi ya Ofisi ya Waziri Mkuu kwa Mwaka wa Fedha 2016/2017.

*(Majadiliano Yanaendelea)*

### WAZIRI WA NCHI, OFISI YA RAIS (TAMISEMI, UTUMISHI NA UTAWALA BORA):

Kwamba, Bunge likubali kupitisha Makadirio ya Mapato na Matumizi ya Ofisi ya Rais, (TAMISEMI, Utumishi na Utawala Bora) kwa Mwaka wa Fedha 2016/2017.

DODOMA  
27 APRILI, 2016

DKT. T. D. KASHILILAH  
KATIBU WA BUNGE